

## الباب الثالث

### الإعادة (recursion):

فكرة الريبكيجين هي ان الفانكشن بتاعتي بتنادي على نفسها تاني و ده بيبيدني اكر في تقسيم وتبسيط المشكلة الكبيرة بتاعتي لمجموعة مشاكل صغيرة و ده هيخلي مشكلتي ابسط في الحل.

في الباب ده هنتعرف على الريبكيجين بشكل مفصل شوية وهنعرف ايه هو ال call stack وازاي عملية ان فانكشن بتنادي نفسها اكر من مرة الكمبيوتر بيتعامل معاها.

### الريبكيجين:

```
int n = 10;
while (n) {
    cout << n << endl;
    n--;
}
```

دلوقتي لنفترض أنك عايز تكتب كود يعد تنازلي من رقم معين انت تحدده لحد ما يوصل لصفر فا الحل الي هيجي في بالك اول حاجة أنك تستخدم loop اسواء كانت while او for تلف لحد ما توصل ل 0 و ده ممكن يكون شكله (الكود ده هيعد من 20 لحد 1 يعني 0 مشه هتطبع عندنا ك output)

```
void recursiveCountdown(int n) {
    if (n == 0) {
        return;
    }
    cout << n << endl;
    recursiveCountdown(n-1);
}
```

طيب احنا لو حبيننا نكتب نفس الكود بس المرادي باستخدام الريبكيجين هيكون عامل ازاى ده هيكون شكله طيب عشان نفهم اكر الكود هنا الكود بيعمل ايه محتاجين نتعرف على كلمتين جداد ال base case وال recursive case

### :Base case

هي الحالة الي عندها الكود بتاعنا هيوقف زي الكوندينشن بتاع اللوب و لو انا مقدرتش احدد ال base case بتاعتي صح فا ده معناه ان ال loop بتاعتي مش هتخلص و هخس في infinite loop.

### :Recursive case

هي الحالة انا فيها هفضل مكمل شغل ومش هقف

في الحالة بتاعتي ال base case هي أنى أوصل لصفر اول ما أوصل لصفر فا انا عايز عملية ان الفانكشن عمالة تنادي نفسها تقف فا بعمل return عشان انهى ال loop دي و ال recursive case هي اني لسه

موصلتش للصفر فا طول ما انا موصلتش الصفر انا عايز انقص الرقم بتاعي واحد و اشوف لو هو مش صفر اطبعه لو صفر هفقل ال loop.

طيب دلوقتي احنا بدأنا نفهم فكرة الريبكجين لكن ليه بنستخدمه مع ان مصلا في المثال الي احنا لسه شايفينه ال loop كانت أسهل والكل عارفها والكود بتاعها أسهل انه يتقري ويتفهم بس الريبكجين مستخدم في الجوريزمات كتير و يستحسن انك كمبرمج تكون فاهمه عشان كده بيبكون مهم انك تتعلمه.

دلوقتي هنشوف ازاى الكمبيوتر بيتعامل مع موضوع أنك عمال تنادي فانكشن كذا مرة جوا بعض او أصلا هو الكمبيوتر بيعمل ايه لما انت بتنادي فانكشن عادية من غير ريكيرجين و ده هياخدنا لل call stack قبل ما نقول ايه هو ال call stack هنعدي على مفهوم ال stack لوحده الأول.

## :Stack

هو طريقة بخزن بيها البيانات بتاعتي ( data structure ) خلينا دلوقتي نقول ان معاك كتاب فا انت حطيته عالمكتب و بعد كده جبت كتاب جديد فا حطيته فوق الكتاب الي على المكتب و هكذا لحد ما بقا عندك 100 كتاب فوق بعض فا كده انت لو حببت تاخذ كتاب من ال 100 كتاب بتوعك اجباري هتاخذ الكتاب الي على الوش الي هو اخر كتاب انت حطيته و لو حببت توصل لأول كتاب معاك هتحتاج تشيل كل الكتب الي فوقه الأول و هو ده ال stack لما بستعمل ال stack بخضع لشوية شروط اول شرط اني متاحلي اعمل عملية من ثلاثة فقط 1- اضيف عنصر جديد و بالتالي هيبكون هو العنصر الاو عندي 2- امسح العنصر الاولا الي عندي 3- اروح استخدم العنصر الأول (الأول هنا معناها اخر عنصر انا ضيفته لل stack)

الشرط الثاني ان ترتيب خروج العناصر عندي من ال stack هيبكون عكس ترتيب دخولها بمعنى ان اخر عنصر دخل هو اول عنصر هيخرج.

ده كان شرح مبسط لل stack فا ايه هو ال call stack هو عمليا عبارة عن stack بيشيل كل ال functions الي انت ناديت عليها.

## :Call stack

دلوقتي نفترض انك كنت شغال على كود و ناديت فانكشن اسمه add و هنفترض ان ده ال stack بتاعنا فا ال stack حاليا هيبكون شكله كده

add

في الوضع الطبيعي لو انت ناديت add و add من جواها مش بتنادي على function تانية فا الي هيجصل انها هتتحط في ال call stack و تتنفذ و بعد ما تخلص هتتحذف من ال call stack طب لو افترضنا ان add جواها بتنادي على function تانية اسمها display فا ساعتها ال call stack بتاعي هيكون عامل كده

display
add

الي هيجصل هنا ان اول ما add تنادي على display الاولوية هتنتقل ل display عشان زي ما في ال stack بتعامل مع العنصر الي فوق طيب و add ايه الي هيجصلها هتقف عند اخر حاجة حصلت قبل ما تنادي على display لحد ما display تخلص و تتحذف من ال stack فا يبقى ده شكل ال stack بتاعنا

add

وهنا هترجع add تكمل شغل تاني من مكان ما وقفت لحد ما تخلص و تتحذف هي كمان من ال stack طب عايزين نشوف مثال العد التنازلي بتاعنا هيشغل ازاي نفترض ان احنا هنعد المرادي من 5 لحد 1 شكل ال stack هيكون كده

recursiveCountdown(1)
recursiveCountdown(1)
recursiveCountdown(2)
recursiveCountdown(3)
recursiveCountdown(4)
recursiveCountdown(5)

هنا الي ه يحصل ان اول مرة انت هتتادي على ال function هتتزوج في ال stack و تروح تطبع الرقم و بعدين تتادي نفسها ثاني برقم اقل فنتنتقل الأولوية لل call الجديدة و هكذا لحد ما نوصل لل base case فهنا تنتهي عندنا عملية ال ريكيرجن و تبدأ كل فانكشن اتتادي عليها تخلص شغلها و تتحذف من ال stack

## ملحوظات:

لو لاحظت ال function بتأخذ int اسمه n فالرغم من المتغير بالنسبة لكل مرة انت ناديت فيه ال function لسه اسمه n بس كل function عندها نسختها الخاصة من المتغير ده بحيث متأثرش عليه في function ثانية يعني لو انت رحت غيرت قيمة ال n في مرة من المرات فاده مش هيغير من قيمة ال n في بقية ال functions يعني لو غيرنا في شكل ال function خليناها كده

```
void recursiveCountdown(int n) {  
    if (n == 0) {  
        return;  
    }  
    cout << n<<endl;  
    recursiveCountdown(n-1);  
    cout << n << endl;  
}
```



ه يكون ده شكل ال output

و ده بيوريك ان قيمة ال n  
في كل كول متأثرتش بالي بعدها  
الا بقي لو انت حاولت تعمل  
التعديل ده بشكل صريح  
زي أنك تعمل فانكشن  
بترجع int و تساوي n

بال return بتاع ال call بعدها مثلا

ثاني نقطة التعديل الي عملناه فالكود ده مخدتش بالك من نقطة فيه؟

لو انا حبيت أخلّي ال function دي تعد تصاعدي كل الي هحتاج اعمله اني اخلّي ال call بتاع ال function قبل الطباعة و هيكون ده شكل الكود

```
void recursiveCountdown(int n) {  
    if (n == 0) {  
        return;  
    }  
    recursiveCountdown(n-1);  
    cout << n << endl;  
}
```

ودي من المميزات القوية لي ال ريكرجين انه اه طريقة كتابته مش واضحة اوي بس هو هيخليك انت كا مبرمج قادر انك تفهم و تستوعب اكثر ازاي الكمبيوتر بيتعامل مع الكود بتاعك

اخر ملحوظة هسيب شوية functions بسيطة في البروجيكت الموجود بتستعمل ال recursion في عمل شوية حاجات بسيطة عشان تساعد اكثر في فهم ال ريكرجين